

obedientia, seu devotioni dicti Ministri Generalis subiecta, quibus memorata communicatio privilegiorum, Indulgentiarum, & concessio-

Preces Com-
militari Gen.
Ultramont.

§.1. Cum autem, sicut eadem expositio sub-
iungebat, ut praemissa firmius subsistant, &
conferentur, praefatus Franciscus Commissa-
rius Generalis Curiae praedictae Clementis, ac
Pauli, & Urbani Praedecessorum Literas, cum
clausulis in eisdem contentis, a nobis innovari,
& omnes aliorum Romanorum Pontificum Suc-
cessorum concessiones ad favorem dictorum,
Ordinum, Congregationum, Confraternitatum,
Locorum, Benefactorum, & aliarum utriusque
sexus personarum praedictae obedientiae, seu direc-
tioni subiectarum expeditas Apostolica Confir-
mationis Nostrae patrocinio communiri pluri-
mum desideret; Nos ipsius Francisci Commis-
sarii Generalis Curiae votis hac in re quantum
cum Domino possumus, favorabiliter annuere
volentes, eamque a quibusvis excommunicatio-
nis, suspensionis, & interdicti, aliisque Eccle-
siasticis sententiis, censuris, & poenis, a iure vel
ab homine quavis occasione vel causa latis, si
quibus quomodolibet innodatus existit, ad effe-
ctum praesentium dumtaxat consequendum, ha-
rum serie absolventes, & absolutum fore cen-
sentes, supplicationibus ejus nomine Nobis super
hoc humiliter porrectis inclinati, de Venerabili-
tatis Fratrum Nostrorum S.R.E. Cardinalium
negotii, & consultationibus Episcoporum, &
Regularium praepositorum consilio, & attenta
relatione, quam Venerabilis etiam Frater noster
Alderanus Episcopus Portuen. S.R.E. Cardinalis
Cybo nuncupatus dicti Ordinis apud Nos, &
Sanctam Sedem Protector eisdem Cardinalibus
super praemissis fecit, praedictas Clementis in-
cipien. Ratio Pastoralis &c., ac Pauli, quarum
initium, Injuncti Nobis &c.; & Urbani Praede-
cessorum, quae incipiunt, In plenitudine &c.
aliorumque Romanorum Pontificum successo-
rum Literas super praemissis respective emana-
tas, dummodo tamen sint in usu, nec sint re-
vocatae, aut sub aliqua revocatione comprehen-
se, Sacrisque Canonibus, & Concilii Tridentini
Decretis, ac posterioribus Constitutionibus, &
Ordinationibus Apostolicis, Regularibusque
Ordinis praedicti Instituti non adversentur, au-
thoritate Apostolica, tenore praesentium confir-
mamus, & approbamus, illisque inviolabilis
Apostolicae firmitatis robur adjicimus, salva ta-
men semper in praemissis auctoritate Congrega-
tionis Cardinalium.

Confirmatio
praesentium
literarum, alia-
rumque infe-
rentium.

Clausulae.

§.2. Decernentes easdem praesentes Literas,
semper firmas, validas, & efficaces existere, & fore,
suoque plenarios, & integros effectus sortiri,
& obtinere, ac illis, ad quos spectat, & pro
tempore spectabit plenissime suffragari: sicque
in praemissis per quoscumque Judices Ordinarios,
& delegatos etiam Causarum Palatii Apostolici
Auditores, judicari, & definiti debere; ac irritum,
& inane, si secus super his a quoquam quavis au-
thoritate scienter, vel ignoranter contigerit at-
tentari. In contrarium facientibus non obstanti-
bus quibuscumque.

§.3. Volumus autem, ut earundem praesen-
tium Literarum transumptis, seu exemplis, etiam
impressis, manu alicujus Notarii publici sub-
scriptis, & sigillo Personae in Ecclesiastica digni-
tate constitutae munitis, eadem prorsus fides
ubique locorum, tam in iudicio, quam extra
illud habeatur, quae ipsis praesentibus haberetur,
si forent exhibitae, vel ostensa.

Datum Romae apud S. Mariam Majorem,
sub Annulo Piscat. die V. Sept. MDCLXXXVI.
Pontificatus Nostri Anno Decimo.

CLXXV.

Confirmatur Decretum Congreg. Indulgentia-
rum declarans personas substantialia Reli-
gionis vota non emittentes non comprehendi
in generali Indulgentiarum revocatione.

Dat. 10. Oct.
1686, An. 11.

Hac Indulgentiarum revocatio extat Paul. V. Const.
ed. 1606. Maji 23. P. 2.

INNOCENTIUS PAPA XI.

Ad futuram rei memoriam.

Alias emanavit a Congregatione Venerab.
Fratrum nostrorum S.R.E. Cardinalium
Indulgentiarum, & Sacris Reliquiis praeposita De-
cretum tenoris qui sequitur videlicet. -- Dubio per
vivum Religiosum Sacrae Congregationi proposito,
& in ea examinato, utrum in generali revocatione
Indulgentiarum, quae in Brevis Romanus Pontifex
Pauli V. habetur dat. 23. Maji 1606. comprehen-
dantur Personae, quae substantialia Religionis vota
non emittunt intra, vel extra Clausura degentes:
eadem Congregatio respondit, eas minime compre-
hendi. A. Card. Homodeus, Michael Angelus Ric-
cius S. Congr. Secret.

Decretum d.
Congregatio-
nis.

§.1. Cum autem sicut dilectus filius Franci-
scus Diaz a Sancto Bonaventura Lector Gene-
ralis jubilatus Sanctae Inquisitionis qualifactor,
& in Romana Curia pro Ultramontana Familia
obedientiae, & directioni Ministri Generalis Or-
dinis Fratrum Minorum S. Francisci de Obser-
vantia nuncupatorum subiecta, Commissarius
Generalis Nobis nuper exponi fecit, ipse Decte-
tum hujusmodi, quo firmius subsistat, Apostoli-
cae confirmationis nostrae patrocinio communiri
plurimum desideret: Nos ipsius Franciscum,
Commissarium Generalem specialibus favori-
bus, & gratis prosequi volentes, & a quibusvis
excommunicationis, suspensionis, & interdicti
aliisque Ecclesiasticis sententiis, censuris, & poenis
a jure, vel ab homine quavis occasione, vel
causa latis, si quibus quomodolibet innodatus
existit, ad effectum praesentium dumtaxat conse-
quendum harum serie absolventes, & absolutum
fore censentes, supplicationibus ejus nomine
Nobis super hoc humiliter porrectis inclinati,
Decretum praesentium auctoritate Apostolica
tenore praesentium confirmamus, & approbamus,
illique inviolabilis Apostolicae firmitatis robur
adjicimus, Salva tamen semper in praemissis
auctoritate memoratae Congregationis Cardi-
nalianum.

Preces Com-
militari Gen.
Ultram. Ord.
S. Francisci de
Observantia.

Confirmatio
relati Decre-
ti.

§.2. Decernentes easdem praesentes Literas
semper firmas, validas, & efficaces existere, &
fore, suoque plenarios, & integros effectus sor-
tiri, & obtinere, ac illis ad quos spectat, & pro
tempore spectabit plenissime suffragari: sicque
in praemissis per quoscumque Judices Ordinarios,
& delegatos etiam Causarum Palatii Apostolici
Auditores, judicari, & definiti debere; ac irritum,
& inane, si secus super his a quoquam quavis au-
thoritate scienter, vel ignoranter contigerit at-
tentari. In contrarium facientibus non obstanti-
bus quibuscumque.

Clausulae.

tempore spectabit, plenissime suffragari. Sicque in
praemissis per quoscumque Judices ordinarios, &
delegatos, etiam Causarum Palatii Apostolici
Auditores judicari, & definiti debere: ac irritum,
& inane, si secus a quoquam quavis auctoritate
scienter, vel ignoranter contigerit attentari.

§.3. Non obstantibus Constitutionibus, &
Ordinationibus Apostolicis, ceterisque contra-
riis quibuscumque.

§.4. Volumus autem, ut earundem praesen-
tium literarum transumptis, seu exemplis, etiam
impressis manu alicujus Notarii publici sub-
scriptis, & sigillo Personae in Ecclesiastica digni-
tate constitutae munitis eadem prorsus fides
tam in iudicio, quam extra illud ubique loco-
rum habeatur, quae ipsis praesentibus haberetur,
si forent exhibitae, vel ostensa.

Datum Romae apud S. Mariam Majorem
sub Annulo Piscat. die X. Octob. MDCLXXXVI.
Pontificatus nostri anno Undecimo.

CLXXVI.

Confirmantur Seminaria pro Missionariis San-
cti Francisci de Observantia in Hispania, &
Indiis Occident. erecta, ac Ministri Genera-
lis Statuta pro illorum regimine, una cum
facultate erigendi alia Seminaria.

Dat. 16. Oct.
1686. An. 11.

De erectione, & Statutis horum Seminariorum vid.
Const. ed. 1686. Jan. 28. P. 10.

INNOCENTIUS PAPA XI.

Ad perpetuam rei memoriam.

Exordium.

Ecclēsia Catholica per universum Terrarum
Orbem diffuse regimini, meritis licet im-
paribus, divina dispositione praesidentes, ea,
quae a Superioribus Regularibus pro Christianae
Religionis, Catholicaeque Fidei propagatione,
rectaque Christianifidelium instructione, ac mo-
rum reformatione, & animarum salute ubique
locorum congruis rationibus procuranda pie-
prudenterque statuta, atque ordinata esse no-
scentur, ut firma semper, & illibata persistant,
& optati exinde bonorum operum fructus ad Dei
gloriam, & Christiani Populi aedificationem
beneficente Domino consequantur, Apostolici
muniminis nostri praesidio, cum id a Nobis
petitur, libenter constabimus, & alias pasto-
ralis officii nostri partes opportune desuper in-
terponimus, prout rerum, personarum, loco-
rum, & temporum qualitatibus mature perpen-
sis, salubriter in Domino expedire arbitra-
mur.

§.1. Exponi siquidem Nobis nuper fecit di-
lectus filius Franciscus Diaz a S. Bonaventura
pro Ultramontana Familia Fratrum Minorum
Sancti Francisci de Observantia nuncupatorum
in Romana Curia Commissarius Generalis, quod
cum dilectus pariter filius Antonius de Linaz
dicti Ordinis Professor, ac in Indiis Occidenta-
libus Missionum Praefectus, ad Fidei propaga-
tionem, & morum in Terris Fidelium refor-
mationem, unius Conventus, vel duorum ex
jam fundatis in unaquaque ex Provinciis Ordinis
praedicti in Ditionibus charissimi in Christo
Fili nostri Caroli Hispaniarum Regis Catholici

Facultas eri-
gendi Semi-
naria.

tam apud Hispaniam, quam apud Philippinas,
Mexicanas, Peruanas, & ceteras Occidentales
Indias existentibus erectionem in Seminaria, seu
Collegia pro Missionariis Fratribus educandis,
ac instruendis a suis Superioribus petisset, dile-
ctus etiam filius Petrus Marinus Sormanus Mi-
nister Generalis ejusdem Ordinis erectiones Se-
minariorum, seu Collegiorum hujusmodi con-
sensum Provinciarum auctoritate sui officii sup-
plendo, fieri sub forma in suis literis contenta
decrevit, ac sub poenis per easdem literas praes-
criptis praedictarum erectionum protractionem,
& impedimentum illarum partium Superioribus
interdixit; Insuper Seminaria in Hispaniae Pro-
vinciis jam erecta, & in posterum erigenda, non
solum ad optimam Fidelium instructionem, &
pravorum morum reformationem ordinavit,
sed etiam ea ad id destinata esse voluit, ut transi-
tus in Indiarum Missiones omnibus Provincia-
rum Hispaniae Religiosis, qui prius per duos an-
nos, vel aliud temporis spatium ab Indiarum
Commissario Generali Matrili residente assi-
gnandum, in aliquo ex praedictis Seminariis suae
Religiositatis, idoneitatis, ac vocationis indicia,
& testimonium non dederint, servatis servandis
prohibeatur, ac simul Provinciarum in Indiis
existentium reformationi, si illa carent, consu-
latur, fideliumque tam in illis, quam in Hispaniae
partibus degentium aedificationi, Infidelium
conversioni, ac omnium Animarum saluti, &
Sanctae Romanae, & Universalis Ecclesiae dila-
tationi ubique indefesse inserviat: ob idque
pro praefectorum Seminariorum omnium guber-
nio nonnulla matura deliberatione, & de ali-
quorum gravissimorum Fratrum consilio condi-
dit, & disposuit, ac alias prout plenius continetur
in ejus literis patentibus desuper emanatis,
tenoris, qui sequitur videlicet.

Ufus Semi-
narium in
Hispania.

Statuta pro
omnibus Se-
minariis.

§.2. Fr. Petrus Marinus Sormanus a Mediola-
no Lector jubilatus Sanctae Inquisitionis qualifactor,
ex Guardianus Hierosolymitanus, ac totius Ordinis
Fratrum Minorum Minister Generalis, & Ser-
vus &c. -- Dilectissimo nobis in Christo Patri Fratri
Antonio Linaz ejusdem Ordinis Lectori jubilato Sanctae
Inquisitionis Qualifactori, Provinciae nostrae
S. S. Petri, & Pauli de Mechoacam Patri, Pro-
vincia vero Majoricensis Alumno, ac Missionum
nostri Ordinis in Indiis Occidentalibus auctoritate
Apostolica Praefecto, salutem in Domino sempiter-
nam.

§.3. Inter caetera Divinae Majestati benepla-
cita opera, & cordis nostri desiderabilia, illud
profecto potissimum existit, ut Fides Catholica,
& Christiana Religio, morumque Fidelium re-
formatio nostri Ordinis Religiosorum studio, la-
bore, ac sedula sollicitudine exaltetur, atque
ubilibet amplietur, ac cum Animarum Fidelium
profectu, Infidelium ad Fidem Sanctam redu-
ctione, Barbaricarumque Nationum depressione
in toto Terrarum Orbe dilatetur.

§.4. Unde cum nobis notum sit, te, cum
aliis viginti quatuor Religiosis morum integritate,
literarum scientia, & salutis Animarum zelo
pollentibus, quorum Praelatus, ac Superior a
Ministro Generali praedecessore nostro, & India-
rum Commissario Generali fueras electus, ac a
Capitulo Generali proxime praeterito confirma-
tus in Indias Occidentales novae Hispaniae nullis
parcendo periculis pro procuranda Fidelium re-
formatione, & Infidelium Catholicae Fidei, &
obe-

Com-
menda-
tur Prae-
fectus Missioni
in Indiis Oc-
cident.

Erectio Seminarii S. Crucis in dd. Indis.

obedientie Romano Pontifici debita salutari agnitione, Deo assistente, & Rege Catholico expensas ad id prestante olim ivisse, ac in illis partibus gratia ex alto concessa cooperante vineam Domini ferventi conatu, ac indefesso zelo excoluisse, Conventumque Sancte Crucis de Quertero prefate Provinciae de Mechoacam in Seminario pro dictis viginti quatuor Religiosis Missionariis sub aliquibus Statutis in predicto Generali Capitulo revisis, & a SSmo D. Nostro Innocentio XI. per suas literas *Sacro Sancti* incipientes die 8. Maji 1682. expeditas specialiter approbatis, ac confirmatis, aliisque accedentibus facultatibus requisitis, obtentisque a Sacra Congregatione de Propaganda Fide laudabiliter erectisse, illiusque Guardianum juxta formam in predictis Statutis prescriptam, electum fuisse, atque Missionum prefatarum exercitio una cum Sociis predictis in prelibatis partibus indefesse vacasse, necessitatemque operariorum ad munus adeo proficuum in majori numero non sine magno dolore expertum fuisse: ob idque de consilio gravissimorum nostri Ordinis Patrum Superiorum assensu, Ordinariorum instantia, Fidelium, ac Infidelium motum necessitate, Socios predictos in prelibato Missionum exercitio reliquisse in Hispaniamque divina opitulante gratia, prospere revertisse, ibique illarum partium necessitatem, & Missionariorum penuriam Catholicae Majestatis, ac Indiarum, & Ultramontanae Familiae Commissario Generali veraciter exposuisse, atque ab ipso Commissario Generali quamplurimas gratias, & facultates pro conductione aliorum Religiosorum, erectione, & gubernio novorum ad predictum Missionum manus Seminariorum, ac ad istam Romanam Curiam accessum, & memoratarum facultatum Apostolica confirmatione legitime obtinuisse, atque nostram dictarum Constitutionum, & facultatum a prefato Commissario Generali obtentam, & erectionum approbationem affectu pleno desiderare: illam, & alias insuper gratias, ac directiones, quibus hujusmodi sanctum, & laudabile, ab immortalis Deo conceptum propositum in dies ferventiori animo, ac mediis opportunioribus ad ipsius Dei honorem, Fidei Catholicae propagationem, Populi Christiani instructionem, nostraeque observantiae augmentum, & omnium animarum salutem, proficui valeas, Tibi, Sociis tuis, aliis Missionariis, tam presentibus, quam futuris sub forma sequenti duximus concedere, ac benigno favore elargiri.

De Religiosis vita, presertim de paupertate.

Primo ut predicta Seminarium quantum Domino auxiliante possibile fuerit, ad ordinis primariam observantiam tendant; in eis regulae juxta declarationes a SS. D. N. Innoc. XI. in suo Motu proprio: *Solicitudo Pastoralis*, contentas, & innovatas strictissime observentur: Sanctamque paupertatem, quam S. P. N. Franciscus Dominum appellabat, studeant Missionarii praemundi delicis in cunctis revereri, suis enim operariis vineam Dominus providebit, si labori adeo proficuo vacantes suum in ipso solo Domino cogitatum jactaverint. At quia Fratrum Mendicantium numerus valde crevit, & Fidelium pietas minus fervens, ob nostra forsitan demerita, quam in principio Religionis iis diebus saepe saepius experitur, usus illarum Constitutionum Apostolicarum, quae nostrae paupertatis observantiam

illam relinquunt, & aliquam Regulae dispensationem non continent omnibus Seminariorum, illorumque Fratrum licitum erit, qui enim regulam servaverint, sicut Summis Pontificibus eam dedit Dominus intelligere, & explicare, Evangelicae vitae vacabunt, & locum inter verissimos S. Francisci filios aeternitate, & gloria, felicem possidebunt. Usus tamen praedictus eisdem Seminariorum, ac Fratrum interdicitur, nisi Statutis in dicto Motu proprio pro observantia relatis, & executioni mandari praecipis (quibus praedicti Seminariorum in rebus hic non expressis uti teneantur) in omnibus sit conformis. Praelati autem, & discreti, seu Religiosi, qui contrafecerint, poenis in Statutis taxatis indispensabiliter subiaceant, omnesque Fratres tam subditi, quam Superiores dum in actuali exercitio Missionum intra, vel extra Seminarium permanerint, se, ab elemosynarum petitione, & a sponte oblatarum receptione abstinere debeant: Poterunt tamen pro quotidiano victu necessario ostiatum querere, vel oblata recipere, quin uti cibis, & potibus delicatis non praesumant, vel Domos, in quibus praedicta eis apponuntur adire non seligant, imo eos recordari volumus, quod S. P. N. Franciscus dum ad manducandum cum Magnatibus, & divitibus invitabatur, panis fragmenta ostiatim quaesita secum portabat, & ibi apposita delicatiora, ut pauper vere humilis sumere nolebat, Statuta Ordinis, & Recollectorum, in quibus modus providendi necessitatibus Fratrum tam in agra, quam in sana valetudine praescribitur, quin ad id particulari peccato, vel specialibus elemosynis aliquis Religiosus indigeat, in omnibus Seminariorum ad unguem, & sub poenis transgressoribus in illis impositis observentur. Et ne Benefactorum devotio alicujus particularis commodis applicetur, & Communitas aequaliter fraudetur, nullo modo alicui Fratri permittatur apud Syndicum, Apostolicum, aut alium amicum spirituales aliquam pecuniarum elemosynam cujuscumque domini sit, pro suis particularibus necessitatibus habere, nec alicui similiter liceat munuscula quantumvis levia dare, vel recipere, omniaque Praelato, & ejus dispositioni subsint, ac sine ejus licentia nihil detur, vel recipiatur in praefatis Seminariorum. Praedicti Conventus in Seminariorum erecti, & Seminariorum fundanda, quoad regimen, nullius Provinciae sint, & Superiori Generali illarum partium, in quibus fuerint, immediate subsint. At quantum ad subsidia pro Defunctis Fratribus commercium fraternaliter habeant cum illis Provinciis a quibus fuerunt separati, vel intra quarum limites perseverent. Ita ut Conventus praedicti Fratres Officia, & Missas juxta Statuta Generalia, pro quolibet Fratre ejusdem Provinciae filio decedente, celebrent, & vicissim a singulis Conventibus, & Fratribus Provinciae eadem celebrentur pro quolibet Fratre praedicti Seminariorum ubilibet moriente ad cuius effectum Provincialis omnium suae Provinciae defunctorum notitiam ad Guardianum transmittat, & Guardianus defunctorum sui Seminariorum ad Provinciam. Ceterum ne inter Missionarios, & Provinciarum praefatarum Fratres, ac Superiores aliqua unquam oriatur contentio, vel oppositio, & ut quos eadem mater spiritualiter genuit, & educavit disparitas muneris non separet, & fraternalis ami-

De Communitate Seminariorum cum Cenobis Provincialibus.

amicitia, euralitas, ac mutua hospitalitas strictius conjungat, praedictorum Seminariorum Superioribus strictius praecipimus, ut quando Provincialis illius Provinciae, in qua Seminarium fuerit, hospes ad illud accedat, eam, ac illius familiam charitative recipiant, & per spatium trium dierum omni cura, & reverentia, illi inservire teneantur; praedictus autem Provincialis Minister eundem locum, & praecedentiam in Communitatibus Seminariorum habeat, quem habet in aliis suae Provinciae Conventibus, poterit tamen aliquam collationem spirituales Missionariis in Refectorio praedicare, ibique praesidere, & in aliquibus poenitentis, Seminariorum Fratrum impositis, dispensare, nullam tamen aliam Jurisdictionem ibi, aut respectu praedictorum Fratrum aliquando exercere audebit, nisi ad id delegationem aliquam a Superiore Generali recipiat, qui eam absolutam, & generalem nunquam praestare poterit, solumque in aliquibus casibus, & pro aliquibus singularibus indigentibus, suam facultatem pro una, vel alia vice praedicti Provinciali, ac convenientius, ac cum minore litium periculo alteri gravi Religioso communicare valebit.

Secundo, quod in praefatis Seminariorum tam erectis, quam erigendis, triginta tres Religiosos de familia, & non amplius admitti possint, horum autem quatuor sint laici, reliqui vero ad exercitium Missionum sint idonei, ita ut nullus in praefatis Seminariorum recipi valeat, qui verbum Dei praedicando, vel confessiones audiendo, aut Doctrinam Christianam, & nostrae Fidei rudimenta docendo, sinem erectionis praefatorum Seminariorum promovere non possit. Si autem pro victu, & vestitu elemosynae non defuerint, & plures Religiosi pro locorum, & temporum diversis, ac novis circumstantiis necessarii censentur: Superior Generalis respective de consensu, & assensu Discretorii cujuslibet Seminariorum numerum praedictum, tam laicorum, quam ceterorum Fratrum augere poterit; & quia praedictorum Fratrum laudabile Ministerium omnium virtutum cumulo orationis ac perfectionis omnimode progressu, & strictissime nostrae Regulae observantiae soliditate nitescere non desisset, immo, Deo dante, eorumdem Fratrum exercitiis, quorum scopus erit animas Deo lucrifacere industria, & sollicitudine, adulterinas plantationes divellere, virtutes in messe Domini serere, vitia radicibus extirpare, humanum genus ad cognitionis, & Salvatoris semitas reducere, ac Apostolorum, qui jam in Orbe non existunt, munus gerere laudabilibus, & perfectius in dies ostendatur, statutis a Sanctissimo Domino Nostro Innocentio XI. in suo Brevis, *Ecclēstia Catholica*, incipiente confirmatis inherendo omnibus, & sin-

De Religiosis recipiendis, & dimittendis.

gulis Praelatis, & Religiosis sub obedientia nostra degentibus, etiam si alicujus Provinciae Reformatae, vel Discalceatae sint, per sanctam Obedientiam in virtute Spiritus Sancti, & sub poenis excommunicationis majoris, privationis officiorum, & dignitatum, ac inhabilitatis perpetuae ad obtinenda ipso facto incurrendis praecipimus, & mandamus, ut nullo modo directe, vel indirecte, per se, vel interpositam personam Religiosos sibi subditos, aut confubditos volentes ad praedictum Sanctum opus transire, impediant, perturbent, aut evertant, sed eis potius divinam inspirationem, ac vocationem sequi charitative suadeant, praedictorum autem Seminariorum Guardiani de consilio, & assensu Discretorum, & Commissarii Missionum sub forma superius praescripta suas literas Praelato locali Religiosi recepti directas expediant: Praefatus vero Praelatus ipsum cum libris proprii usus statim remittet, & postea praedictas literas ad Ministrum Provinciale transmittet, ut super subdito ad perfectius munus, & exercitium, translato, gaudium sit in tota Provincia. Primo anno sui in Seminarium ingressus, si alias in alio Seminario per idem tempus non permanisset, ad Missionem non deputetur, nec votum in electione Praelati habeat, sed quasi sub probatione maneat, ut de ejus sufficientia melius constare valeat, etsi intra annum, vel postea de illius insufficientia constiterit, aut per aliquod vitium, seu crimen, vel per aliquod scandalum, in exercitium Missionum datum, seu per excusationem, qua sine legitima causa a Discretis approbata, se a Missionibus juxta praescriptum Guardiani, vel Commissarii Missionum faciendis, excusaverit, aut per defectum in observatione praesentium statutorum, & pacis Seminariorum, ac decoris exercitii conservatione commissum, seu per aliquam vocationis mutabilitatem, quae tribus distinctis vicibus, in tribus distinctis mensibus aspiciat retro, & ararum velle dimittere non erubescat, ac exitum a Seminario amplecti non abhorreat, consortio operariorum vineae Domini indignus efficiatur de consensu majoris partis Discretorii ad propriam Provinciam remittetur, ibique a Superioribus sub eisdem poenis, sub quibus licentiarum debuit, iterum recipiatur. Et poenis in statutis contra incorporatos in aliena Provincia, & iterum redeuntes ad propriam, contentis subiaceat, & si Religiosus Hispanus fuerit, & a Seminario in Indiarum partibus existentem expellatur, ei a Superiore Generali illarum partium aliqua Provincia assignetur, in qua dictas poenas subeat, & usque ad tempus, in quo juxta statuta generalia Hispaniam venire possit, conservetur; Si autem habitum in Seminario receperit, ibi omnibus prudentiae conformibus mediis, corrigatur, & si per quatuor annos incorrigibilis perseveraverit, Superior Generalis admonitus a majori parte Discretorii, illum in aliqua ex suis Provinciis constituat, ut a pestifera contagione Evangelici Ministri, qui sal Terrae, & lux Mundi, ac Civitates supra montem positae esse debent, provide liberentur. Guardianus cum approbatione Discretorum per suffragia secreta poterit Novitios intra praedictum numerum recipere, recipiendi autem ultra qualitates in statutis Ultramontanae familiae, & Indiarum respective praescriptas, tali scientia sint praediti, ut transacto

F f f statu

fiatu Clericali, seu Choristatus alicui exercitio ex illis, ad quæ, ut præfertur Seminarium eriguntur tuto, & cum animarum profectu vacare valeat, eique qualitas, & perfectio vite, quam profiteri desiderat a Magistro Novitiorum, ante habitus susceptionem, extense explicetur, qui autem vigesimum ætatis annum non adimpleverint in prædictis Seminariis Novitius non admittatur, nisi aliud pro hoc, vel illo recipiendo sub his, vel illis circumstantiis alicui ex Seminariis tam erectis, quam erigendis utile, ac expediens a Superiore Generali respective de assensu majoris partis Discretorii aliquando iudicetur. Ulterius poterit Guardianus Fratres laicos de assensu Discretorum, ex quacumque Provincia, sub forma, & receptione aliorum Seminariorum servanda, recipere, & tam Subditi, quam Superiores prædictarum Provinciarum sub eisdem pœnis teneantur eorum in Seminaria transitum non impedire: at laici recipendi debent esse devoti, probate vite, & omnino apti pro Officiis a laicis in Seminario exercendis. Accedente consensu majoris partis Discretorum tam Seminarii a quo, quam Seminarii ad quod, Superior Generalis illarum partium, in quibus Seminarium fuerint, quolibet Religiosos de uno in aliud Seminarium mutare valeat, & quando transitus fiat de Seminario in Hispania partibus, ad Seminarium in Indiis existens, consensus Commissarii Generalis Indiaram in Curia Matritensi residentis, & Commissarii Missionum, qui pro tempore Religiosos in Indiis conducere curaverit, absque aliquo alio sufficiet, & nec Seminarium Hispania, & Indiaram, nec eorum Guardiani, & Discreti determinationi a prædictis Missionum, & Indiaram Commissariis circa præfatos Fratres sponte in Indiis transire eligentes mature factas, se opponere sub aliquo prætextu audeant, sed eas statim executioni mandare omnino procurent. Missionarii, qui decennio in exercitio missionum laudabiliter completo ad propriam Provinciam redire voluerint, facultatem ad id a Seminario Guardiani, & testimonium ab eodem, & Discretis petant, ipsi autem nec facultatem, nec testimonium negare poterunt, & Provincialis prædictæ Provincie revertentem recipere sub memoratis pœnis semper teneatur, eisdemque privilegiis, antelationibus, & gratiis præfatus Missionarius ex tunc in propria Provincia uti, ac gaudere poterit, quibus fruatur, si triennium Guardianatus tempore sui ingressus laudabiliter in dicta Provincia finiret: qui autem ante decennium completum, vel sine testimonio, in quo Discretorium de zelo, & plausibili prædicti Missionarii in Missionibus progressu testetur, ad propriam Provinciam venerit, pœnis expulsi supra impostis indispensabiliter subiaceat, nisi aliqua infirmitas incurabilis propter quam a Seminariis quilibet ante dictum decennium, & non postea, etiam si senectute laboret, expelli poterit, prædictæ expulsionis causa, vel occasio fuerit, qui in hoc casu nullus aliqua pœna dignus censeri debet. Si aliquando contigerit aliquem ex Missionariis in Visitationem, vel Reformatorem, aut Ministrum Provinciam alicuius Provincie eligi, ejusmodi electionem ratam haberi, & executioni mandari volumus, & decernimus: Electus tamen, postquam prædictum munus adimpleverit, ad

propriam Seminarium revertatur, immo aliquod secum non ferat, quod Apostolica nuditati contrariari valeat, & si a dicta Provincia, vel ab aliquo Conventu, aut ab aliquibus utriusque sexus subditis, vel Superioribus aliqua munuscula, quæ conjunctim sumpta quantitatem unius scuti aurei pertingant ante, vel post finem sui officii, recipere ausus fuerit, etiam si sub prætextu devota recordationis, vel pro libris, Imaginibus, reliquiis, seu rebus sacris, devotionem fidelium, & sufficientiam, ac efficaciam Missionariorum solidare valentibus, ipso facto actibus legitimis remaneat per septennium privatus, eidemque pœnæ indispensabiliter subiaceat, si peracto officio absque legitima causa a Sede Apostolica approbata, domicilium in prædicta Provincia elegerit, aut si intra quatuor Menses Seminarium præfatum versus ab illa non egrediatur. Ultra numerum Religionum superius præscriptum, unus poterit in quolibet Seminario admitti, qui progressu, ac fructus, & casus, seu eventus Missionum extraordinarios, Missionariorumque gesta, & exemplarem vitam, privilegiorum statum, dubiorum in Missionibus occurrentium decisionem, doctrinarum securius amplectendarum, & prædicandarum compendia, libros, & Summaria scribere, & servatis servandis, de licentia tamen Ordinarii Typis mandare studeat, ac valeat, ipseque scriptor Seminarium appelletur, & exemptionibus, ac Indultis a Discretorio Seminario taxandis, pacifice fruatur.

Tertio, quod electio Guardiani cujuslibet Seminarii fiat a Superiore Generali illarum partium, in quibus Seminarium fuerit, sive ab ejus speciali Commissario delegato ex tribus ejusdem Seminarii Patribus per secreta suffragia omnium Sacerdotum professorum Communitatis canonice eligendis, & prædicto Commissario presentandis: Guardianus autem per triennium, tantum in officio durare poterit, & liberum erit Superiore Generali præfato in dimidio triennii ipsum ab officio absolvere, si ipsi consulerit, officio non satisfacere, habita informatione pro conscientia, sine strepitu judiciali, sicut fit in toto Ordine in Congregationibus intermediis: Unus Præfatus, seu Vicarius, qui simul Novitiorum Magister sit, per vota novi Guardiani, & Discretorum eligetur, ipseque, absente Guardiani in Communitatibus præfideat. In quolibet Seminario sint quatuor Discreti pro gravioribus ejus negociis tractandis, qui ante novi Guardiani electionem ab eodem Communitatis corpore eligentur a quo nominari debent presentandi in Guardianum: Statimque a Superiore Generali supra dicto confirmantur, habeantque in Communitate locum, & præcedentiam, quam Lectores primarii Theologie habent in propriis Provinciis, & in absentia cujuslibet antiquior, & dignior Pater Seminarii pro tempore absentia substitutus declaratur. Discretorium cujuslibet Seminarii ex dictis quatuor discretis, ac ex Patribus, qui in dicto Seminario Guardianatum per Triennium completum laudabiliter exercuerunt, ex Commissariis habitualibus, & actuali Missionum, & Guardiani actuali componetur, iique suffragium habeant in omnibus negotiis, quæ Discretis, seu Discretorio Seminario per hæc, & alia Ordinis Statuta committuntur; quando suffra-

De Guardia-
nis, Magistro
Novitiorum,
Discretis, Vi-
cariis, &c.

gia pro una, & altera parte fuerint æqualia, & publica, Guardianus decidat: Quando fuerint secreta admittatur Præfatus pro simili tantum casu, ut sic, quod magis expediens sit, charitable, & sine strepitu, & recuribus resolvatur. Ad Missionum Commissarios in Indiaram partibus existentes spectabit Religiosum de consilio Discretorum trium suarum partium Seminariorum destinare, qui ad Provincias Hispania, quando necessitas urgeat, accedat, & illos Religiosos servatis servandis in illarum Seminariis, si se sponte offerant, seligat, qui pro conversionibus, & Seminariorum conservatione ab eisdem Discretoriis, & præfato Missionum Commissario necessariis censentur. At nec Commissarius Missionum, nec Religiosi ab ipsis missi aliquam superioritatem habeant, respectu illorum, qui in aliquo Seminario de familia constituti fuerint, nisi in casibus, de quibus supra manet dispositum, & cum limitationibus ibi taxatis, ac superioritate Guardiani Seminariorum hic concessa præ omnibus illis remanentibus. Quandoque Guardiani obitus ante triennium finem contigerit, Præfatus, seu Vicarius, usque ad novi Generalis electionem Seminarium gubernabit, tenebit tamen sub pœna privationis sui officii ipso facto incurrenda, die tertia a morte Guardiani Patres absentes convocare, & post adventum illorum, qui intra tempus viginti dierum venire poterunt, Communitatem pro presentatione Superiore Generali, ut præfertur faciendam, congregare, & presentatos statim ad Superiorem Generalem prædictum transmittere, ipseque unum nominabit, qui similiter per triennium duret, eademque duratione gaudebit, qui præcedente alterius renunciatione, vel privatione electus fuerit. Præfatis autem, & Discretorum officium ad id tempus sine nova electione in præfatis tribus, mortis, privationis, & renunciationis casibus extenditur. In absentia Guardiani, & Præfatis antiquior Discretus in Communitatibus, & Seminario præfideat. Antiquitas autem inter Fratres Seminarii tam presentes, quam futuros secundum gradus, & præminentias juxta ordinis Statuta Generalia hic præscripta excepta, computetur; qui autem nullam in propriis Provinciis, aut in Seminario obtinere, habitus antiquitatem servant; qui autem Guardianatum per triennium laudabiliter exercuerint, discretos illius Seminarii, non vero Commissarium Missionum, semper præcedant. Omnes indispensabiliter per horam cum dimidia vacent orationi mentali, dimidia scilicet hora post primam (non vero amplius ob frequentes audiendas confessiones, & similia exercitia matutina) hora autem integra post Completorium, vel alia fortassis opportiori, pro temporum, & exercitiorum varietate; Hora Canonice tempore, & pausa competenti devote solvantur, sine cantu autem, ut plus temporis impendatur studio. Dominicis vero diebus, festis, & classivis, cantus adhiberi poterit, ut sit apud Observantes: Cujusmodi Divino officio, orationi mentali, & Missæ Conventuali, omnes assistant, nullo proorsu excepto: Cunctique Sacerdotes gradatim ab ipso Guardiani inclusive hebdomadariam agant. Singulis diebus habeant per duas horas lectiones, & conferentias: per unam post Conventuale Missam de materia ad exercitium Mis-

De Choro,
Lectionibus,
Studio, egres-
su e Cenobio,
Concionibus,
elemosynis,
aliisque per-
tinentibus ad
regularem di-
sciplinam.

sionum conducente, seu de intelligentia idiomatum, seu de Theologia mystica, per alteram post Vesperas de Theologia morali, & casibus conscientia: a lectionibus autem ipsis nullus possit excusari, neque a reddenda ratione de materia lectionis, si a Guardiani, vel alio ab ipso deputato interrogetur. Cum autem in audiendis confessionibus, vel aliis utilioribus exercitiis peragendis Missionarii fuerint occupati, vel occupari indigeant, lectio Matutina a Guardiani de consilio Discretorum abbreviari, seu dispensari valeat. Missionarii dum in Seminario sunt spiritualibus exercitiis, vel studio impendere debent totum tempus, quod corporalibus superfluit indigentis: Si quis vero vanis conversationibus, aut cursationibus deditus inveniat, publica poenitentia in Communitate puniatur: Nec ulli concedatur licentia de domo exeundi, nisi aliquando recreationis causa per campos cum Socio expaciatur sit, aut pro inevitabili pertractando negotio ad Civitatem, vel Oppidum egredi debeat, idque raro fiat, ut quanto in Monastica solitudine, humani commercii contemptu vigilantiores fuerint, eo ad reprehendas Fidelium diversiones aptiores reddantur. Communitas e Seminario non exeat, nisi raro, & gravissima de causa, ut ad exequias Religiosi alicujus nostri Ordinis, aut Apostolici, non autem ad sociandos alios defunctos, vel publicas Processiones. Foeminarum colloquia quantumvis brevissima ubique vitentur, solumque ipsarum confessiones, nullo alio intermisso colloquio audire licebit. Nullo modo acceptentur conciones festive in Seminario, solumque fiant, quæ occasione Missionum necessaria censentur, ad elemosynas autem petendas omnes sine exceptione mittentur; itant in omni servitio Communitatis, omnes, etiam Guardianus quantum fieri possit, sint patres. Quoad elemosynas Prædicatorum, librorum Defunctorum, & Bibliothecarum augmentum, & conservationem, in omnibus Seminariis, sicut, & in omnibus aliis Conventibus nostræ obedientia subjectis, servetur Breve *Exponit nobis* a SS. D. N. Innocentio XI. expeditum. Nulli seculari permittatur ingressus ad interiora Conventus, sed in Claustro inferiori disponatur aliqua Camera honesta, & devota cum humilibus Sedibus, ubi Viri Sæculares quærentes aliquem ex Patribus pro sua spirituali consolatione excipiantur, & consolentur. Et tam quoad ingressum, & moram, ac pernoctationem Secularium, quam quoad suppellectilium, & ornamentorum commodationem servantur in dictis Seminariis, sicuti, & in omnibus aliis d. Provincie Ultramontane Conventibus, Decreta Sacre Congregationis, auctoritate Apostolica confirmata, in dicta familia observari præcepta. Omnes Seminarii Patres sine aliqua inter ipsos notabili differentia, induant habitum exteriorem Observantium, in quo vilitas, & humilitas, ac solus cinericeus color ex lana alba, & nigra, non ex alia tinctura confurgens semper respiciat: forma vero erit juxta reformationem in ultima Congregatione Tolitana factam ad litteram observandam, & in disciplinis, jejuniis extra Regulam, Capitulis culpæ, & aliis austeritatibus, ceterisque ad Regulæ, vite Monasticæ, & Regularis disciplinæ observationem conducentibus Constitutionibus generalibus Or-

De Missionibus
Misionariarum
& Seminariarum
Visitacione.

denis se conformet. Guardianus, vel in ejus
absentia Praefes, temporibus opportunis, aut
quando necessarium judicaverit mittat Missio-
narios binos, & binos, aut in majori numero,
prout animarum necessitati viderint expedire,
consignando eis in partibus Fidelium oppida,
tractus, & terras, in quibus singulis, suas Mis-
siones facere debent; de licentia tamen Ordina-
rii; relinquunt tamen aliquos in Seminario,
qui Communitatis exercitia expleant, & hi aliis
revertentibus, mittantur. Nullus tamen eorum
ultra spatium sex mensium in praemissis
Fidelium Terris extra Seminarium pro qualibet
vice remaneat, & quilibet sub poena expulsionis
a Seminario postquam praedictum tempus in-
sumpserit a Missione cessare debeat, ad Semi-
nariumque revertatur, ut vires spirituales, &
corporales in eo reassumat, ac recuperet, &
alii ad opus ab ipso inceptum, & forsitan non
finitum proseguendum destinari poterunt: Ad
partes vero Infidelium solus Missionum Com-
missarius, si praesens fuerit, operarios necessa-
rios sub forma superius praescripta destinare
valeat, eoque absente, Guardianus de consensu
majoris partis Discretorii idoneos Ministros ire-
cupiantes eodem modo transmittere valebit.
Praed. Superiores Generales respective teneantur
per se, vel per suum Commissarium ad hoc
specialiter institutum in singulis triennii praefata
Seminaria visitare, & in singulis visitationibus
inquiratur sigillatim de observantia praemissarum
omnium Constitutionum, & defectus si qui fuerint,
corriganter, & juxta eorum qualitates possit Superior
ipse Generalis procedere ad expulsionem Missionariorum,
& Guardiani privationem: Delegatus autem ipse
possit tantum Guardianum suspendere, & a hiis
necessariis correctionibus Superiorem Generalem
de majori remedio apponendo monere. Et quia
speramus, quod Dei spirante gratia, per hos
sui verbi Ministros plures Gentilium Populi
ad fidem sint convertendi, quorum Neophitos
in accepta fide conservare, eisque Sacramenta
ministrare necessarium est; ordinatur ut in
conversis Populis aliqui ex praefatis Missionariis
ad praedicta observanda necessarii remaneant,
monito Guardiano Seminarii, & ab eo licentia
obtentam, qui semper ejusdem Guardiani subditi
remanebunt, & ejus correctioni, ut supra sub-
jecti: Manentes autem in Oppidis conversis non
computabuntur in numero assignato Missiona-
riorum Seminarii, sed eorum loco alii in Semi-
nario possint recipi. In cura autem animarum
sic conversarum ad fidem, tamdiu solummodo
poterunt remanere, quoad usque Episcopo ad
quem Terra pertinet, vel in posterum pertine-
bit placuerit Presbyteros Saeculares quibus ani-
marum curam committat destinare. Quandiu
vero praedicti Missionarii in praedicta cura re-
manerint, nihil ex titulo Curatorum, vel do-
ctrinarum possint accipere, sed praesertim ex emen-
dicatis elemosynis, vel ultro oblatis vivere
debeat. Poterunt tamen stabilita nostra fide, &
Curatis Saecularibus inibi manentibus, in Popu-
lis magnis, aut capacibus, de licentia Episcopi,
& praefati Superioris Generalis, Conventus no-
stri Ordinis fundare, in quibus juxta Regulam,
& Statuta ex elemosynis sub regulari disciplina
Fratres vivere possint, & Conventus illi Guar-
diano praefati Seminarii, ad quem pertinet vi-

De erectione
Cenobiorum,
& prohibicio-
ne exercendi
missionis alius
facta.

va illa conversio, & cujus sollicitudine obtenta
fuerit, vel Seminarii vicinioris (eligendo a
Missionum Commissario, si conversio ejus cura,
ac diligentia promotam, & adeptam fuerit) in
omnibus, & per omnia praedictum Seminarium,
erunt subditi, quoad usque ex illis custodia possit
formari, vel aliter in Capitulo Generali de illis
provideri, aut ex illis aliqui, ut licitum erit,
in Missionariorum Seminaria sub his Statutis
crecti fuerint. Quoniam vero cura, & solici-
tudine Missionariorum pertinentium ad praedi-
cta Seminaria spiritualibus necessitatibus Re-
gnorum Hispaniae, licet non Indiarum sufficien-
ter praevideri poterit; ne Sanctum Missionum
opus ex dissimili Missionariorum modo pro-
cedendi deturpetur, nullus nostri Ordinis Fra-
trum, qui extra praedicta Seminaria vivat Mis-
sionarii munus quarumcumque literarum a
nobis, vel praedecessoribus nostris, ac ab aliquo
inferiore, vel in nostro officio successore con-
cessarum, vel concedendarum vigore sub ali-
quo quantumvis specioso colore, aut praetextu
in Hispaniae partibus a tempore quo tria Semi-
naria in illis erecta fuerint, exercere valeat.
In Provinciis autem tam Hispaniae, quam In-
diarum, quae non habuerint Conventum ido-
neum, & pro praefata erectione inconvenienti-
bus insuperabilibus non expositum, fundatio
novi Seminarii, requisitis servandis servatis,
licita erit, arbitrioque Commissarii Missionum
relinquitur, & a nullo nostri Ordinis Fratrum,
sive subdito, sive Superiore, cujuscumque di-
gnitatis sic impediri poterit. Si Seminaria praemissa
in praedictis Hispaniae, & Indiarum parti-
bus erecta, ac erigenda aliquando relaxentur,
& a perfectione, & laudabili fine, ad quem in-
stituuntur notabiliter defecerint, vel Statuta
hic contenta, & alia, quae praesentibus non
sunt contraria, & pro aliis Seminariis tam ere-
ctis, a Sede Apostolica, ut praefertur approba-
ta reperiuntur, non observaverint, seu novum
gubernium, & aliquam ab observantia separa-
tionem a Sede Apostolica, aut a Superioribus
Ordinis petierint, vel per se, aut interpositam
personam obtinere curaverint, vel sponte obla-
tam cum effectu admiserint; Seminaria ejusdem
Provinciis, a quibus Conventus pro illorum
erectione sumpti fuerint, iterum incorporentur,
& Ministri Provincialis regimini, sicut ceteri
ejusdem Provinciae Conventibus indispensabili-
ter subjiciantur: siquidem sub his tantum con-
ditionibus, & ordinationibus, quas vim illius
indissolubilis obligationis, & contractus, qui
inter Fratres Missionarios, & Fratres Provin-
ciarum, Superiores Seminariorum, & Superio-
res observantiae esse possit habere volumus, &
non sub aliqua alia consideratione praesentem
Seminariorum erectionem permittimus, lau-
damus, & approbamus, ac ab omnibus ad quos
spectat sub poenis praemissis admitti praeci-
piamus.

Quarto. Et quia nos non latet quamplu-
rima absurda, & nimia opinandi sub privilegio
prae-textu, ac operandi licentia quotidie
oriri posse, quae scandala, & relaxationes susci-
tare valent. omnibus nostri Ordinis Missiona-
riis, ac aliis sub nostra directione, seu obedientia
degentibus personis in Domino suademus, &
mandamus, ut doctrinas tutiores, ac probabi-
liores semper doceant, & amplectantur. Ut au-
tem,

De Semina-
riis erigendis,
& supplemen-
tis.

De doctrinis,
consecratione
Statutorum,
horum inter-
prete, & gra-
tiis.

tem, quod temporalibus proficit spatio, spiri-
tualibus quoque amplificetur dictarum Misio-
num augmentis, & ne perpetua firmitate careat,
quod sola nostra auctoritate decernitur, praesentium
tenore nostro hujus Curiae Commissario
Generali paternam benedictionem, & faculta-
tem concedimus, ad hoc ut tanquam Ordinis
nostri honorabile negocium praesens amplectatur,
& earum rerum, quae in his literis continen-
tentur, confirmationem, ac perpetuam validita-
tem a Sede Apostolica petat, & sollicitare
non desistat, qua obtenta, omnia Seminaria,
tam erecta, quam erigenda juxta nostras literas
gubernari teneantur. Et si aliquod dubium circa
aliquam illarum clausulam aliquando oriatum,
Superior Generalis illarum partium respective,
non vero aliqui Delegatus, de consilio, & as-
sensu tamen majoris partis Discretorii alicujus
Seminarii, tempore Visitationis, & non alio,
nempe aliter valeat providere donec S. Sede con-
sultatur, seu Sacra Congregatio Propagandae
fidei, nunquam tamen in aliquo absque Sedis
Apostolicae auctoritate dispensare poterit, &
tam dictis Missionum Commissariis, quam omni-
bus aliis personis, quae ad harum erectionem,
stabilimentum, & Missionum praefatarum, pro-
motionem, auxilium dederint Seraphici P. N.
Francisci benedictionem impartitur, & si Saeculares
fuerint ultra dictam benedictionem, eos ad participationem omnium Indulgentiarum,
& operum spiritualium, quae ipsis com-
municare valemus, & nunc pro tunc admittimus,
& pro semper admittis esse, & fore de-
claramus. Datum Romae ex nostro Conventu
S. Mariae de Ara Coeli die 7. Aprilis 1686. -- Fr.
Petrus Marinus Minister Generalis -- Loco &
Sigilli -- De mandato suae R. Paternitatis -- Fr.
Joseph a Leone Secret. General. Ord. -- Praesens
transumptum concordat cum suo originali de
verbo ad verbum. In quorum fidem &c. -- Dat.
Romae hac die 23. Aprilis 1686. -- Fr. Michael
Tonerus Secret. Gener. Curiae -- Loco & Sig.

Confirmatio
Seminariarum
erectionum.

retro Provinciae de Mechoacam, quam in aliis
Hispaniae Provinciis, auctoritate Apostolica
tenore praesentium approbamus, & confirma-
mus, illisque inviolabilis Apostolicae firmitatis
robor adjicimus. Ac facultatem erigendi alia
Collegia, seu Seminaria hujusmodi unam scilicet,
vel duo in qualibet ex Provinciis Ordinis
praedicti, quae in ditionibus dicti Caroli Regis,
tam quae apud Hispaniam, quam apud Philippi-
nas, Mexicanas, Peruanas, ac ceteras Occi-
dentales Indias ipso Carolo Regi subjectas con-
sistunt, eidem Ordini, de Ecclesia Dei, & Sede
Apostolica benemerito, auctoritate, & tenore
praedictis, benigne concedimus: Confirmando
supplementum consensuum per dictum Petrum
Marinum Ministrum Generalem, ut exponitur
factum, & interdicendo Superioribus Generali-
bus illarum partium sub poenis in praesentibus
literis contentis, & aliis arbitrio dictae Congre-
gationis Cardinalium reservatis, ne ultra qua-
tuor menses a requisitione per Religiosos ad id
facultatem habentes facta, seu facienda compu-
tandos dictas erectiones protrahere, seu suspen-
dere possint; Salva semper in omnibus supra-
relatis auctoritate ejusdem Congregationis Car-
dinalium ad formam Constitutionis sel. re. Greg.
PP. XV. Praedecessoris nostri. Praeterea Statuta
praesentia pro dictis Collegiis, seu Seminariis,
tam erectis, quam erigendis, ac eorum Fratri-
bus, & Superioribus a praefato Petro Marino
Ministro Generali, ut praefertur condita dicta
auctoritate harum serie confirmamus pariter,
& approbamus, illisque inviolabilis Apostolicae
firmitatis robor adjicimus, salva tamen semper
memorate Congregationis Cardinalium aucto-
ritate ea augendi, seu moderandi quatenus opus
fuerit, & magis in Domino expedire videbitur;
ac quocumque juris, & facti defectus quoad
Collegia praefata jam erecta supplemus.

Concessio
cultus eri-
gendi alia.

Poenae adve-
sus protrahē-
tes, vel sus-
pendentes di-
ctas erectiones

Confirmatio
religiosi Sta-
tutorum.

Claufulae

§. 8. Decernentes easdem praesentes, ac praesentibus
patentes literas semper firmas, validas,
& efficaces existere, & fore, suosque plenarios,
& integros effectus fortiri, & obtinere, ac illis,
ad quos spectat, & pro tempore quocumque
spectabit in omnibus, & per omnia plenissime
satisfacere, & ab illis respective inviolabiliter ob-
servari; sicque in praemissis per quocumque
judices ordinarios, & Delegatos etiam Caesarum
Palatii Apostolici Auditores, judicari, & defi-
niri debere; ac irritum, & inane si secus super
his a quoquam quavis auctoritate scienter, vel
ignoranter contigerit attentari.

§. 9. Non obstantibus praemissis, ac Consti-
tutionibus, & Ordinationibus Apostolicis, nec-
non Provincialium, & Ordinis praefatorum,
aliisque quibusvis, etiam juramento, confirma-
tione Apostolica, vel quavis firmitate alia ro-
boratis statutis, & consuetudinibus; privilegiis
quoque, Indultis, & Literis Apostolicis in con-
trarium praemissorum quomodolibet concessis,
confirmatis, & innovatis. Quibus omnibus, &
singulis illorum tenores praesentibus pro plene,
& sufficienter expressis, ac ad verbum insertis
habentes, illis alias in suo robore permansuris,
ad praemissorum effectum hac vice dumtaxat
specialiter, & expresse derogamus, ceterisque
contrariis quibuscumque.

§. 10. Volumus autem, ut earumdem praesentium
Literarum transumptis, seu exemplis, etiam
impressis, manu alicujus Notarii publici sub-